

**ՀՀ Արմավիրի մարզպետ Էդվարդ Հովհաննիսյանի  
շնորհավորանքի խոսքը Երեխաների իրավունքների  
պաշտպանության միջազգային օրվա կապակցությամբ**

01.06.2023

Սիրելի փոքրիկներ,

Սրտանց շնորհավորում եմ ձեզ աշխարհի թերևս ամենապայծառ ու լուսավոր տոնի՝ Երեխաների իրավունքների պաշտպանության միջազգային օրվա առթիվ: Սա մեր տոնացույցի ամենատրախ ու հաճելի տոնն է, և կարծում եմ՝ պատահականություն չէ, որ նրանով է ազդարարվում ամռան գալուստը:

Գունագեղ այս տոնի խորհուրդը միանշանակ պայծառ աչուկներով մանկիկներն են՝ լուսավոր ապագայի հավատով ու մանկության ոսկե երազը հիշեցնող ապրումներով:

Երեխաների անհոգ ներկան, առավել ևս անհոգ և անվտանգ ապագան կերտելու պարտավորությունը մեծերիս ուսերին է: Նրանք մեր ու մեր երկրի ապագան են, որը կերտվում է հենց այս վայրկյանից՝ որակյալ կրթությամբ, առողջ ու բարի միջավայրում, հայրենիքի և ազգային արժեքների հանդեպ մեծ սիրո պայմաններում:

Ուստի մեր փոքրիկ բարեկամներին ցանկանում եմ անհոգ ու երջանիկ մանկություն, խաղաղ երկինք և անսպառ ժպիտներ: Թող յուրաքանչյուր երեխա շրջապատված լինի անսահման սիրով ու ջերմությամբ և իր լույս ժպիտով սեր ու համերաշխություն տարածի՝ դարձնելով աշխարհն ավելի բարի ու հանդուրժող:

Շնորհավոր Երեխաների իրավունքների պաշտպանության միջազգային օրը: